





Deporte Local

Tremendo resultado pa Kyra Hoevertsz den su promer competencia pa e aña aki na Merca



ORANJESTAD (AAN)--- Durante su prome competencia di e temporada competitivo aki na Merca, Kyra Hoevertsz a logra un resultado excelente. Entre 42 landador sincronisa di full e area di zona di California, Kyra a termina na tercer lugar overall y prome lugar di tur e landadornan di su equipo Walnut Creek Aquanuts! Kyra Hoevertsz ya tin un aña na California na unda e ta atendiendo scol y entrena cu e equipo di Walnut Creek Aquanuts. Pa decananan caba, Walnut Creek Aquanuts ta un di e clubnan top di e deporte di synchro na Merca. Diadomingo ultimo tabata e promer competencia pa e aña 2014 pa Kyra na San

Francisco. Durante e "2014 Invitational Figure Meet" ta competi solamente den e diciplina di figuranan tecnico. Kyra a competi den e categoria di Juniors (15-18 aña di edad) y aunque cu tur e figuranan ta nobo pe, mirando cu cada ciclo Olimpico esakinan ta cambia, Kyra a muestra su habilidad y a logra puntuacionnan halto. Na final di e competencia Kyra a termina na di 3 lugar, entre e 42 participantenan. E equipo di Walnut Creek mes tabata tin cu un total di 10 competidor, for di cua Kyra a termina cu e scorenan mas halto.

Kyra ta sigi cu entrenamiento pa e por sigui representa Aruba durante competencianan Internacional.



Bo a mira Accidente of algo pasa?

Accidente - Candela - Detencion - Razzia - Hincamento

**Yama
Tipline
di
DIARIO**

Tel: 582 2239